



国家出版基金项目
NATIONAL PUBLICATION FOUNDATION

上海古籍出版社

【清】顧炎武 撰 黃 坤等 校點

天下郡國利病書

(六)

顧炎武全集



国家出版基金项目
NATIONAL PUBLICATION FUNDATION

【清】顧炎武 撰 黃 珣等 校點

天下郡國利病書

(六)

顧炎武全集

上海古籍出版社

天下郡國利病書(六)

黃
珏校點

廣東備錄中

韶州府

鎮三：翁源之鎮曰三華，在三華嶺下。隆慶壬申，南贛都御史李棠平諸寇，遂建鎮城以善後，行臺在焉，縣主簿領之。英德之鎮曰清溪，在清溪巡司上。成化中，巡檢彭驥立小磚城，周迴一百五十丈，遇警入鎮，地方賴之，年久漸圯。曰滄光。在縣西一百里滄涯縣廢址。洪武中置滄光巡司，歲久傾圯。正德元年，同知韓銑立爲鎮城，清遠、懷集、猺寇至，則居民據鎮以守。

堡八：曲江之堡曰上道，曰白沙，曰總舖，曰鮮溪，曰黃金。已上七堡，俱防江邊，多盜。仁化之堡曰高岡，在縣東北十里長江。曰石塘，在縣西四十里石塘都。曰繁華。在縣東五十里古下。

營四十三：曲江之營曰中堂，曰蘇渡，曰亂石，曰魚樑，曰磨刀，曰白茫，曰簑衣，曰黃茅，曰烏石，曰高橋，曰小坑，曰連環，曰大嶺，曰白土，在城南五十里虎榜山左。曰濛濛，在驛左五里。曰官村。

仁化之營曰平安，在縣東北五十里扶溪都。曰盤石，在縣東五十里扶溪都。曰厚塘，在縣東五十里扶溪都。曰

水西。在縣北七十里康溪都恩溪。乳源之營曰白花。在縣北一百八十里瓦窑岡。英德之營曰金皂口，曰虎

尾逕，清遠西山猺寇道出於此。嘉靖中立，今廢。曰魚梁埠，曰麻埠，曰燕石，在清泉都。曰大廟，在黎峒營下。

正德八年，通判何昂立。三營前臨大江，後通山峒，最爲要害，上猺海寇賴以保障。曰殺鷄坑，曰流寨，在懷義都，近清遠

境，今廢。曰鹿子磯，曰黃寨注一，當清遠猺寇出入之路。嘉靖中立，今廢。曰沙口埠，在三板灘下。曰三板灘，

在清溪下。曰望夫岡，在縣東二十里。曰石尾，曰塘角，在洗口巡司下。正德三年，僉憲吳廷舉立。曰猺田，在象

岡都。曰朱峒，在大陂都。並正德中通判莫相立。曰跌牛石，嘉靖中立，防東山猺寇，今廢。曰黎峒，在塘角營下，今

移鎮隔江。曰太平，在懷義都，今廢。曰鬼子，在縣西一里許，今廢。曰縣前，在南山下。曰波羅坑。在白蕉

舖下。

寨六：曲江之寨曰鷄冠，在府城北十里。曰古羊，在城北五十里。曰老龍，在城北三十里。曰上窑。

在城西北三里。乳源之寨曰天德。在縣東十五里，一名石門寨，周迴石甃如城。元義士鄧可賢率衆守此。翁源之寨

曰麻砂。在縣東南五十里宜陽鄉，一名橫石寨。

關二：乳源之關曰風門，在風門山下。曰小梅，在縣西三十里，地名馬頭涵。相傳唐開元前上京通路。

隘三十一：樂昌之隘曰黃土嶺，在縣東三十里，路通仁化境。曰龍山口，在縣東北三十里，通桂陽縣。曰

銅鑼坪，在縣東三十里。曰象牙山，曰塘口，在縣西北一百五十里，通宜章縣。曰九斗嶺，在縣南五十里，通乳源

境。曰企岡嶺。在縣東南五里，通乳源境。仁化之隘曰風門凹，曰赤石逕，在縣西四十里平山都。曰七里

逕，在縣西六十里石塘都。曰長江，在縣北七十里扶溪都。曰城口。在縣北九十里康溪都。乳源之隘曰分水

凹，在縣南一百二十里。曰平頭，路通湖廣宜章縣。曰黃金峒，路通宜章。曰月坪杉木角，路通陽山。曰高車

嶺，在縣西北一百七十里。曰平。在縣西梅花峒，俱鄉民守禦。翁源之隘曰桂丫山，曰南北嶺，去縣一百八十里

長安。曰東桃嶺，去縣一百二十里懷德鄉。曰銀場逕，去縣一百五十里長安鄉。曰冬瓜嶺，曰佛子凹，去縣一

百二十里。曰道姑巖，曰甲子礫，以上八隘，俱近江西龍南、惠州河源、南雄始興，多賊，故置。曰梅花，在長安鄉，去

縣一百二十里，路通河源縣。曰畫眉，在長安鄉，去縣一百九十里，路通龍南縣。曰九曲，去縣二十里，抵曲江、英德。

曰太平。去縣七十里，抵始興、曲江。英德之隘曰欖坑，在甘棠下都。

阮冶 銅岡銀場，在乳源縣渚溪都。宋末廢，元再啓釐，民不勝苦，復禁。大富鉛場，在翁源縣東一百二十里懷德

都。宋皇祐元年置，宋末鉛盡，故廢。大湖鉛場，在翁源縣西北四十里長安鄉。宋皇祐置，後以費大利小，遂廢。開陽里

鐵場，在翁源縣北九十里長安鄉。宋皇祐置，後廢。梯子嶺錫場，在英德清泉都荊嶺，每採錫，流水傷稼，歷代隨開隨禁。

南雄府

注二

堡五：保昌之堡曰脩仁。始興之堡曰界灘，曰斜潭，曰江口，曰水口。

注三。

隘二十：保昌之隘曰平田凹，曰不勞石，曰南畝，曰葉田等六口子，曰紅梅，曰北坑村子口，曰百步，曰芋頭嶺，曰趙坑口子，曰百順，曰林溪，石閑、塘源三口子，曰冬瓜，曰紅地村子口。始興之隘曰沙田，曰猪子峽，曰花腰石，曰河溪廟，曰桂丫山，曰涼口，曰楊子坑。

惠州府

鎮五：河源之鎮曰回龍，北四十里赤溪水口。曰平地。永順都漳溪。長樂之鎮曰南安南九十里。曰鑑興。南五十里。永安之鎮曰中鎮。

堡一：河源之堡曰石城。在古城。嘉靖二十一年，知縣劉錦立。

營二十七：歸善之營曰蜆殼岡，嘉靖三十年，歸、博二縣民自建。曰大皇港口，今廢。曰西涌，今廢。曰鬱頭，今廢。曰盤員，今廢。曰乾溪，今廢。曰碧甲。今廢。博羅之營曰橘子舖，曰南坑，曰橋子頭，三營地方俱界龍門第六、七等屯。嘉靖二十九年，僉事尤瑛立，以防流賊。曰檳榔潭。海豐之營曰油坑，在石塘都。曰河田，今廢。曰赤岡，與海豐、惠來連界，南離海三十里，北深山多盜。成化八年立。曰射道山，在縣南二十里。嘉靖十一年立。曰湖東澳，曰魚尾澳，曰南沙，曰南竈，曰長沙，即麗江浦，一名長沙港口，在縣南八十里。曰石山，曰大德，濱海。曰大磨。和平之營曰東營，東岳觀側。曰南營，南門外。俱僉事施儒建。曰西

營，西門外。曰北營，北門外。曰中軍。兵備道前，俱僉事尤瑛脩建。

寨十四：歸善之寨曰富沙圍，縣東曠野數十里，南臨江，北阻金斗水。元季土豪劉守正據之，何真引兵環而攻之，數日乃克。曰周徑，郡城南，延袤數十里，中有腴田，其外岡阜環複，崖壁峭立。東口通麻莊，南口出中峒，北口抵橫江，

西口接大嶺路，皆險峻。山後曲折，下流澗水，舊常屯兵於此，以援郡城。曰船澳。見故蹟。河源之寨曰三王。南四

里。元末寇起，何真於此禦之。長樂之砦曰天柱，縣南九十里，其上容千人。曰高明，南五十里，洪武中立。曰黃

洞。西南一百里。興寧之寨曰茅岡，東南二十里。曰龍母，西十里。曰揚塘，西十五里。曰留塘，西十五里，

有水周環之。曰和山，在和山上。曰羅英，北二十里。諸砦皆前後吏民樹柵拒敵之所，然留塘、和山其險可據。曰武

婆。西河外二里許。五代時縣嫗武姓者團合鄉落築城自衛，又稱武婆城。

關三：河源之關曰紅硃關。注四、曰佛跡潭，曰塔下。三關在縣治南，延袤五里，今廢。

隘四十七：河源之隘曰南湖，在縣逕之外，近赤溪、宋田。曰中村，在惠化上坪，與龍南爲界。曰古

雲。在大洲都二段，諸鎮隘有驚，屯兵備禦。長樂之隘曰丹竹，曰桔洞，曰中溪。三營俱西賊淵藪，溪洞阻深，蹊

徑岐錯。安遠丹竹樓、黃鄉堡賊巢鄰，勢相聯絡，加之以冶鐵之卒，雙頭、角上、高坑、九節狐等山烏合釀禍。邑南七十里猴子

洞，漳寇入揭陽必由之。詔安、小段之賊，驀越饒平之小榕，或由大埔之苦竹，既入潮境，奔潰肆出。西北五花嶂、九連山數百

里，荒墟玄徑，奸宄投竄其中。勅兵憲鎮於長樂，設詰奸簿一員，設十三都巡司於此，以扼吉、贛南侵；設水口巡司於南，以斷

漳、汀入寇。東、西雖無官守，東以四都隘，西以大坪隘，皆民兵戍之。注五。

和平之隘曰烏虎鎮，東六十里，弘治十五年立，今廢。曰東水，西通翁源縣。曰驢子，南抵龍南。曰黃竹

坑，北抵龍南。曰陽波，曰三浙水，東北八十五里，在岑岡、龍南抵界，嘉靖三十三年立。曰黎頭鎮，東一百二十里，

廣三圖，三十四年立。曰古鎮，曰三角山，曰高車水，正德五年立，今廢。曰九連山，去縣一百里。曰銀坑，曰

古樓坪，在泉沙埔，其逕通揭陽、興寧二縣及芙蓉、梅林等隘。曰榕樹，七都水口地方，上通梅林、赤竹諸逕及歸善、程鄉

二縣。曰平塘，曰董源塘，曰大荊，曰筠竹嶂，去車塘隘十里，以安遠、興寧賊多出沒，正德十二年兵備僉事顧應祥

議立。曰曾田，曰梅林，在塘湖，通海豐及本縣綿洋、七輦逕、黃沙等隘。曰黃沙，上通塘湖龍村，下通黃流渡，左通海

豐葵頭嶂，右通中鎮大逕地方。曰赤竹逕，曰隘頭嶺，琴岡都地方，通歸善，上通九丫樹，下通圍子固。曰滑石逕，

琴岡都，通坡都下棉洋地方。曰七輦逕，曰分水凹，其逕通揭陽、潮陽、海豐諸縣，距本縣綿洋、留沙諸鄉十餘里，通海

林、黃沙諸隘。曰鵝鼠嶂，琴江都上鎮，通十三都巡司。曰赤溪嶂，通海豐。興寧之隘曰四都，東四十五里。

曰大坪，西北六十里，金北西。曰逕心，東五十里，久廢。曰筠竹嶺，西二十里。曰水口，東南四十里。曰龍歸

久廢。曰羅岡，西北八十里，久廢。附縣志議：邑界汀、贛，僻於郡東北隅，山城孤立，勢若懸危；迤北九十里大望山盜界

連九縣，山高地廣，盜賊奔竄於此，官軍急難撲滅。永安之隘曰解沙逕，琴江都上鎮袁田。曰芙蓉逕，琴江都上鎮，

通河源。曰象鼻逕，琴江都四圖。曰火戴逕，琴江都，地名秋溪。曰逃軍嶂，曰中溪嶂，曰大逕，曰下逕，

曰青草湖，琴江都上鎮，通河源藍能都。曰公坑，琴江都。曰橫排，琴江都。

烽堠十八：歸善之烽堠曰大星嶺，曰竹山嶺，曰潭洲角，曰西涌嶺，曰碧甲嶺。以上平海所。

海豐之烽堠曰牛鼻，曰麗江山，曰麗江門，曰平安，曰新逕，曰小漠，以上六處，俱濱海地方，海寇出沒之

區。曰甲子港，曰青山，曰娘岡，曰銀瓶山，曰白沙湖，曰大磨山，曰東坑山。俱捷勝所。

海澳四。歸善之澳曰大星海，平海所。曰淘娘山。碧甲巡司對，屬東莞大鵬所地方，可藏賊船數百艘。嘉

靖三十一年，巡檢孫鏞請於海道填塞可守。海豐之澳曰海豐所，曰甲子門。

潮州府

鎮五：海陽之鎮曰北關，在縣東南六十里。潮陽之鎮曰興安，在縣治三十里。其曰大場，曰夏嶺，

曰新港。以上俱在鮑江，今廢。

堡三：海陽之堡曰潘田。在縣西一百三十里。饒平之堡曰竹林。在宣化都。大埔之堡曰烏槎營。

在三河巡司。

營四：府營曰教場軍。在南門外。揭陽之營曰獅子。在霖田都。程鄉之營曰北營。在縣北門外。

平遠之營曰石鎮，在縣治一百里。

寨一：曰柘林。去府治一百三十里。

隘五十六：海陽之隘曰新關。注六，在龍溪都。曰萬里橋，在大和都。曰湯田，在豐政都。楓洋。在歸

仁都。潮陽之隘曰北關，在北郭。曰河溪，在縣北二十五里。曰門關，在縣北六十里。曰河渡門。在招收村。

揭陽之隘曰桃山，在縣東。曰官溪，在縣南。曰藍田，在縣北。曰霖田，在縣西。程鄉之隘曰上井，在溪

南都。曰松源，在松源都。曰馬頭，在萬安三圖。曰腰古，在義化都。曰圓子^{注七}，曰山徑。在石室都。饒平

之隘曰魚村，曰小榕，俱在縣東南。曰九村，曰嶺脚，俱在縣東北。曰黃崗，曰黃山坑。大埔之隘曰虎

頭砂，在縣東北。曰平砂，在縣北。曰長窰，在縣東北。曰箭竹凹，在縣東。曰大麻，在縣西。曰陰那口，在

縣西。曰鴉鵲坪，在縣南。曰莒村，在縣東南。曰天門嶺，在縣南。曰楓朗，在縣南。曰白猴。在縣東南。

惠來之隘曰武寧，界潮陽。曰大陂。界海豐。平遠之隘曰石鎮村，在縣西南。曰九曲崗，在石窟都。曰

崆頭障，在縣西北。曰俞田逕。在縣東南。普寧之隘曰北關，在北門右。曰南關。在學前右。澄海之隘

曰冠隴，曰鮑浦，曰南洋，曰烏汀背。

論曰：潮郡十縣，皆阻山帶海，而最爲險害者，程鄉之徑，饒平、惠來、澄海之澳港，平遠之隘。山峒葱鬱，海濤噴薄，或連閩、越，或通廣、惠。瓊崖及外夷之屬，號爲水國，最霸勝矣。山川之氣，代有憑依，故治則賢哲藉以興，亂則鯨鯢藪之，狐兔穴之。其初漢一大縣爾，再析而四，又再而七，已又再析而十。行部典郡及防守之員綬，纍纍不絕，豈非有惕於歷年山海之氛，民莫必其命耶？邇來自任公整飭兵戎^{注八}，茲土稍得息肩，後至者儻亦有當暑戒寒之思乎？語曰：「不恃無亂，恃在禦亂，恃吾無以生亂。」深慮哉！是可以長世。

兵防 兵署

鎮守總兵府，正統末，黃蕭養亂，設副總兵，賊平，裁革。後以廣東界在江、閩，多警，復設總兵，駐劄程鄉、興寧。嘉靖四十三年，督撫侍郎吳桂芳奏移潮州駐劄。南澳總兵府，萬曆三年，提督尚書殷正茂奉部咨，據福建巡撫劉堯誨會題開設，駐劄南澳信地，以爲聯守兩省門戶。參將府，原設，後因設總兵駐潮，遂改惠潮陸路參將，爲惠潮把總，後總督御史李遷題復。萬曆八年，總督侍郎劉堯誨題革。十一年，總督侍郎郭應聘題復。

礦冶

潮礦冶出海陽等五縣。每年聽各縣商民採山置冶，每冶一座，歲納軍餉銀二十三兩。前去收礦煉鐵各山座數不等，計通共餉銀一千兩。

海陽縣豐政都山場。約二十座。揭陽縣藍田山場。約一二座。程鄉縣松口山場。約五六座。大埔縣清遠、滌洲山場。約十座。平遠縣長田、義化山場。約十餘座。

鹽法

場鹽。潮鹽產於潮陽等四縣，招收等場竈戶鹽丁納課糧，開埕漏曬鹽，收積在場，以待鹽商到場販賣，不得船載出百里

外，即爲私鹽有禁。潮陽招收場。饒平東界小江場。澄海西界小江場。惠來隆井場。

榷鹽

廣濟橋商從本府管橋官領票到場收買，運至橋門，照依先納在庫餉銀，每商半名上鹽船一隻，每隻九艙，每艙二十八吊，每吊一百五十斤，實秤鹽一萬斤，對納餉銀七兩四錢一分六毫。秤加鹽一斤即爲挾帶，七倍行罰。掣放上橋，另領戶部引目，照住三河發賣。

鹽餉

天順以前，歲徵三百餘兩。歷成化、弘治、正德間，知府談倫奏準鹽利代納南澳虛糧，遂增至四千兩。歷嘉、隆間，又增至一萬八千二百八十八兩九錢。萬曆十三年，又添增閏月餉五百八兩。十四年，因布政司追徵鹽鈔，遂增鈔商十名，徵銀二千六百一十二兩，抵納海陽等縣戶口鹽鈔銀。十六年，又增埤頭菜鹽餉銀一千兩。通計共餉銀二萬二千三百九十六兩九錢。

橋商。原額七十名。萬曆十四年增鈔商十名，代納通府鹽鈔。本年內又增商二十名，足一百之數。每歲納餉上鹽，分爲六大班。至二十年，改爲四大班，分爲四十小班。每小班一名納餉銀五十六兩，上鹽三萬七千八百斤。一歲共納餉銀二百二十四兩，上鹽十萬六千斤。領引四十三道，每引帶鹽一千七百五十斤。萬曆十年以前，先納餉後賣鹽。近年以來，餉增路塞，今年納餉，明年賣鹽，商始稱困。餉期一至，有以數金貼人代納者。

行鹽地方

廣商從鹽法道領引到招收等場，照引幾道買鹽若干，由海運至南雄，踰嶺接賣淮商，從西關而下，直抵三姑灘，謂之「南鹽」。橋商領給軍門大票，到東界等場買鹽，聽管橋官掣秤上橋，領戶部引目，至三河接賣。汀商踰嶺過贛州、袁、臨等府，瑞金、會昌、石城等七縣，從東關而下，謂之「汀鹽」。二路合賣。自正德四年起，各定地方。嘉靖四十五年，廣商侵賣過界，潮鹽路塞。隆慶二年又開。至萬曆十一年復塞，路塞餉增。是以十四年以後，尚有積餉在庫一萬五千零兩而未上鹽者。商民之困，至此極矣。

埠頭菜鹽。橋下海陽等七縣埠頭，先因商外奸民告餉二千兩，後被勢侵，其餉逋負。萬曆十六年，察院蔡夢說革去一半，尚存一千兩，責令橋商販納，每季納二百五十兩，每小班納二十五兩，餉通百商勻納，鹽輪二十商領示鎮埠發賣。

龍川和平鹽餉。橋上餉鹽運至長樂縣，過青溪嶺食，入龍川、和平二縣，原無另餉。萬曆十八年，因廣商射利，告納餉爭賣，惠潮道從二縣民議，願食潮鹽，斷令潮商代納，又增餉銀二百一十一兩六錢八分，歲夏、冬二季追解。

衙鹽。道、府、縣儒學并諸職衙門所用細鹽，從百商上橋班數，抽銀販鹽煎送，歲困銀八十兩，在正餉之外。

冒起宗陽電山海信防圖說

陽電地方，北枕山，南面海，東接廣、肇，西通雷、廉，蓋領西二郡之咽喉也，水陸迂迴不下二千里。粵稽祖制，神電一衛以及陽江、海朗、雙魚、寧川四所，皆附於邊海；又設新興、陽春、信宜、高州、石城五所，皆附於邊山。水陸犬牙相制，有司從中協守，亦一尉一史之意哉。而泄泄至今日，僅存其名矣。試言陸信，北自新興、捻村兵營，接藍坑營交界起，東自恩平官來逕，接新會信界起，歷琅瑯營，而西抵石城之高嶺營，與雷、廉接界止，郊洞遼曠，叢陰莽薄，計程一千二百餘里，設有恩平、陽電、高州、吳川肆兵營，分布信防，據險扼吭，此則陸信之大略也。以水信言之，東則自廣海寨、芒州接界起，西至白鴿寨、礪州交界止，汪洋瀚海，寇盜出沒，計汛凡八

百里，設有海朗、雙魚、限門、蓮頭肆水寨，割船分守，扼要哨防，此則海防之大略也。蓋海廣則隙多，地廣則險衆也。近年兵額日縮，餉額日虧，船額日減，軍額日缺，雖規制如初，而迹類象人塗馬，所謂指臂使而首尾應者，則茫乎未之講也。

冒起宗肇屬山海圖說

肇屬自新興而下，彌望荒巒，烟炊寥落。北自稔村兵營起，至石井營而抵恩平縣，則百三十里；東自官來逕至靖東營而抵恩平，則八十里。地當新會、新寧之交，山賊肆出擄掠，非嚴兵防禦，地方無安枕之期。若馬岡、倉步、開平等處，肩寧、會而枕封、慶，尤素稱逋逃藪。數邑錯壤，土孽竊發，雖開平屯額設官兵七十餘名，而去縣治則九十里矣。議者謂恩陽守備秋冬應移割於恩平，豈無見哉。繇平南營而東至蓮塘，稍涉而南至長寧，凡百二十里，而抵陽江縣。自縣而南三十里，則有海殷寨，商賈輻輳，塵市星羅，越港門而歷銃城，是爲北津撫民，此所謂大要害也。自寨而東二十里，則有海朗所，去陽江僅五十里，有警呼吸可通，第所城孤懸，積弁與猾民作奸扞網，幾如南陽之不可問，非嚴約束之令，無以破海上接濟之囫也。繇陽江西門歸善營，歷麻橋、黃桐、蚰蛇、樂安、高嶺、平望而西上太墟，則爲陽電兵營矣。由太墟至儒峒，則爲電白縣界。

矣。由儒峒轉折而東上五十里，又爲陽江之雙魚寨，而所城在焉。去陽江一百七十里，去電白八十餘里，卒有緩急，能一呼而即至哉？是在當事者萬分悉飭，務令營寨合防，軍兵夾護，庶陸可稱平壤而環海可恃爲長城矣。

冒起宗海朗寨所圖說

按海朗兵冊，現在官兵計百五十四員名，戰船一十二隻，東接廣海，西界雙魚，樓船組練，雄據上游，屹然一天塹哉。第本港內通陽江、陽春等處，商賈輳集，奸宄易生。港中雖設有銃城，城設有銃臺三座，港門津要似可資控守。但港外無臺可振，勢既孤懸，由港門而越銃城，即北津撫民環居其地，此輩鷹眼未化，梟氣猶存，每以繒艚出海捕魚爲生，若邀劫，若接濟，若勾引，未可信其必無也，況乎土宄敢於扞網，旗軍串青衿子復從而翼之哉？今協總許三才任事方新，應申嚴號令，凡漁舟出入，朝往暮返，不許遨遊逗留，致開罅隙，此爲掣時之第一要著。若本寨去縣城三十里，去所城二十里，所去縣城則五十餘里，所軍弱不能支，而銃軍少有可用，一值汛期，督發海朗陸哨官兵爲之犄角，庶幾孤懸者不至爲孤注耳。

冒起宗雙魚寨所圖說

雙魚寨設有寨城一座，內置發汛公署及寨署、哨捕、兵房，守險之制，亦云密矣。兵船一十二隻，官兵四百四十四員名，左哨派守雙魚港內，通雙魚所城，港門兩山對峙，銃臺三座，復有東山官兵據險而守，賊未敢卒犯也。去寨八里，則有雙魚所城，離陽江縣一百七十里，離電白縣九十餘里，聲援遼曠，實爲邊海孤城，外洋勢難遙控，覺察責在瞭軍。每歲春汛，除督發雙魚一哨官兵外，又例調東、西兩山各營兵協守所城并一帶海岸；若冬汛，則止雙魚一哨，虛應故事矣。右哨派守豐頭港，與海朗寨接界，港內通織管墟五里餘，則至太平驛，防奸緝盜，未可刻疏。況龍高山夙號盜藪，山勢延綿，路通雙魚信海，奸宄窺伺疏防，常駕客船藏盜出入相應。嚴飭海朗會哨分防，毋以一港爲秦越可也。

冒起宗高屬山海圖說

自儒峒分界，電邑錯壤，於是有陽電營官兵接防。自大墟歷麻總等營，皆地當要衝，時聞